



Nefndasvið Alþingis
nefndasvid@althingi.is

Kópavogi 18. nóvember 2019.

Efni: Tillaga til þingsályktunar um rétt barna til að vita um uppruna sinn, 88. mál, þingmannatillaga.

Vísað er til tölvubréfs Alþingis frá 11. október 2019 þar sem óskað er álitis Læknafélags Íslands (LÍ) á tillögu til þingsályktunar um rétt barna til að vita um uppruna sinn, 88. mál 150. löggjafarþingi.

Um er að ræða tillögu um að fela dómsmálaráðherra að undirbúa lagabreytingu sem tryggi að börn sem getin eru með tæknifrjóvgun og kynfrumugjöf eigi rétt á upplýsingum um uppruna sinn. Frumvarp þess efnis verði lagt fyrir Alþingi eigi síðar en í janúar 2020.

Í greinargerð með tillögunni kemur fram að tillaga sambærilegs efnis hafi verið flutt á 141. og 146. – 149. löggjafarþingi en ekki hlotið afgreiðslu.

LÍ telur ýmislegt mæla með að 2. mgr. 4. gr. laga nr. 55/1996 um tæknifrjóvgun og notkun kynfruma og fósturvísa manna til stofnfrumurannsókna verði breytt þannig að afnumin verði heimildin til nafnleyndar gjafa. Eðlilegra er að mati LÍ að heilbrigðisráðherra verði falin slík lagabreyting enda heyra lögin undir ráðuneyti hans.

Frá setningu laga nr. 55/1996 hefur afstaða til nafnleyndar kynfrumugjafa breyst. Með frumvarpi til laga um staðgöngumæðrun sem í tvígang var lagt fyrir Alþingi var t.d. lagt til að þessi nafnleynd laganna yrði afnumin. LÍ styður að þessi tillaga verði samþykkt með þeirri breytingu að heilbrigðisráðherra verði falin frumvarpssamningin. Þá telur LÍ að tímarammi tillögunnar sé of þröngur og leggur til að slíkt frumvarp verði lagt fyrir Alþingi eigi síðar en á haustþingi 2020.

Verði eftir því óskað er LÍ að sjálfsögðu tilbúið til að senda fulltrúa félagsins á fund velferðarnefndar til að ræða tillöguna.

Virðingarfyllst,
f.h. stjórnar LÍ,

Reynir Arngrímsson, formaður